

TSHEPEDIŠO YE E KOPANTŠWEGO YA TUMELELO GO TIKOLOGO YA ANGLO AMERICAN PLATINUM – PROTŠEKE YA PHETOŠO YA MOEPO WA DER BROCHEN WA RUSTENBURG PLATINUM MINES LIMITED, KA PHROBENTSHENG YA LIMPOPO

TALETŠO YA GO INGWADIŠA BJALO KA MOTHO YO A NAGO LE KGALHEGO LE YO A AMEGAGO LE TSEBAGATŠO YA GO HWETŠAGALA GA PEGO YA TEKODIŠIŠO YA GO LEBELELWA KE SETŠHABA

Moepo wa Der Brochen ke protšeke ya pholathinamo yeo mong wa yona e lego Rustenburg Platinum Mines Limited (RPM), khamphani ya ka fase yeo mong wa yona ka botlalo e lego Anglo American Platinum (AAP), gomme yona e dikhilometara tše 25 borwa bodikela bja toropo ya Steelpoort le dikhilometara tše 40 ka bodikela bja Mashishing (Lydenburg), ka Phrobentsheng ya Limpopo. Moepo wo o wela ka Masepaleng wa Selegae wa Fetakgomo Tubatse, ka fase ga bolaodi bja Masepala wa Selete wa Greater Sekhukhune.

Ke maikemišetšo a RPM go fetoša Lenaneotaolo la Tikologo (EMPr) le Tumelelo ya Tikologo ye e Amegago (EA) gammogo le go mpshafatša Laesentshe ya bona ya Tšhomišo ya Meetse (WUL) go akaretša tše di latelago:

- Go agwa ga lebotlo la go thekga le lengwe ka Lefelong la bjale la Polokelo ya Mašaledi (TSF) gammogo le go agwa ga pholante ya tlaleletšo go sefa ka Pholanteng ya Methopo ya Enetši, ka fase ga maemo a tšhoganetšo, ka ge go dumeletšwe ke Kgoro ya Methopo ya Diminerale (DMR) ka Oktoboro 2017;
- Leano la taolo ya mobu wa ka godimo leo le fetošitšwego la Moepo wa Der Brochen;
- Go agwa le go sepediša lenaneokgoparara la moepo la tlaleletšo leo le amegago bjalo ka karolo ya leanotlhabollo la moepo:
 - Dišafte tše pedi tše diswa tše di bulegilego (Dišafte tša ka Leboa le tša ka Borwa) go fihlelela mafelo a maswa a ka fase a mešomo ya meepo ao a tlogo rafša ka go diriša mokgwa wa dikokwane tše di rapamego. RPM e ikemišeditše go hwetša šafte ya ka Leboa ka go motheo wo o dumeletšwego mo nakong ye e fetilego wa lefelo la ka Leboa la Moepo wo o Bulegilego, gomme šafte ya ka Borwa yona e tla hwetšwa ka go lefelo leo le dumeletšwego mo nakong ye e fetilego la ka lefelong la ka Borwa la Moepo wo o Bulegilego;
 - Dišafte tše tshela tša go tsenya moya ka go ya godimo (dišafte tše tharo tša go tsenya moya go ya ka dišafte tše diswa tše di bulegilego);
 - Lefelo la go tsenya moya la gare le tla tsenya moya ka go dišafte tše pedi tše di bulegilego;
 - Pholante ya go Aroganya Diminerale (DMS) ka lefelong la bjale la go Aroganya diminerale la Mototolo;
 - Lefelo la go bolokela dithoto le letamo leo le amegago la taolo ya tšhilafatšo;
 - Pholante ya tlaleletšo ya Koromo ka lefelong la bjale la go Aroganya Diminerale la Mototolo;
 - Tshepedišo ya tlaleletšo ya mekgobo le disilo;
 - Dintlo tša go aparela le lefelo la dikantoro leo le tlogo bewa ka go ye nngwe le ye nngwe ya dišafte tše di bulegilego;
 - Lefelo la go senya dithuthupi leo le tlogo bewa ka šafteng ye e šišintšwego ya ka Borwa;
 - Lenaneokgoparara la ka fase la tlaleletšo, ke gore, mananeo a tshepedišo, ditsela tša go tsena le tša go rwala; le
 - Mafelo fao go dulago bašomi ao a tlogo bewa kgausi le Letamo la Der Brochen.

Mešomo ye e šišintšwego ya lenaneokgoparara leo le amanago le moepo le tla ba ka dipolaseng tša Der Brochen 7 JT (Karolo ye e Šetšego), Helena 6 JT (Karolo ya 3 le Karolo ye e Šetšego) le Mareesburg 8 JT (Dikarolo tša 1 le 7). Bontši bja dipolasa tše le dikarolo tša dipolasa di wela ka go lekala la ditokelo tša meepo le tša dipolasa tša Moepo wa Der Brochen.

Pele ga ge RPM e ka thomiša ka go hloma ga mešomo ya meepo ya tlaleletšo ye e amegago, ditshepedišo tše di latelago tša ditumelelo go tikologo le phetošo ya laesentshe di swanetše go dirwa go latela melao ya bosetšhaba ya maleba:

- Tekodišišo le Tekolo ya Seabe go Tikologo (EIA) go latela Molao wa Bosetšhaba wa Taolo ya Tikologo (Molao wa Nomoro ya 107 wa 1998) (NEMA) le Molao wa Bosetšhaba wa Taolo ya Ditlakala tša Tikologo (Molao wa Nomoro ya 59 wa 2008) (NEM:WA) go akaretšwa Lenaneo la Taolo ya Tikologo leo le fetošitšwego (EMPr) go latela Molao wa Tlhabollo ya Methopo ya Diminerale le Phetholiemo (Molao wa Nomoro ya 28 wa 2002) (MPRDA), go tla go romelwa le go dumelelwa ke Kgoro ya Methopo ya Diminerale ya ka Limpopo; le
- Laesentshe ye e Kopantšwego ya Tšhomišo ya Meetse ye e mphafaditšwego (IWUL) le Leano leo le Kopantšwego leo le sepelago le yona la Taolo ya Meetse le Ditlakala (IWWMP) ka fase ga Molao wa Bosetšhaba wa Meetse (Molao wa Nomoro ya 36 wa 1998) (NWA), go tla go romelwa le go dumelelwa ke Kgoro ya Meetse le Kelelatšhila (DWS).

RPM e thwetše SRK Consulting (ya Afrika Borwa) (SRK) bjalo ka Mošomi yo a ikemego wa Tshekatsheko ya Tikologo (EAP) go sepediša tumelelo ye e kopantšwego ya tikologo le tshepedišo ye e amegago ya go kgatha tema ga setšhaba go latela ditirishi le diphešo tše go boletšwego ka tšona ka mo godimo.

Batho bao ba nago le Kgahlego le bao ba Amegago (DI-I&AP) ba laletšwa go ingwadiša le go fa ditshwaotshwao ka ga Pego ya Tekodišišo ye e hwetšagalago go fiwa ditshwaotshwao ke setšhaba mo lebakeng la matšatši a khalentara a 30 go tloga ka la **25 Janeware 2019 go fihla ka la 25 Feberware 2019**. Pego ya Tekodišišo e tla hwetšagalaga wepsaeteng ya SRK: <http://www.srk.co.za> le mafelong a setšhaba ao a latelago ka nakong ya tekodišišo:

Lefelo la Setšhaba	Lefelo	Nomoro ya Mogala
Bokgobapuku bja Setšhaba bja Mapodile/Eerstegeluk	735 Kgahlanong Street, Mapodile	013 237 0039
Bokgobapuku bja Setšhaba bja Burgersfort	Cnr Kort & Eddie Sedibe Str, Burgersfort	013 231 7815
Dikantorong tša Kalkfontein CPA	Kalkfontein (Nokaneng)	Nomoro ya mogala ga e gona
Kantorong ya Thraste ya Setšhaba sa Pakaneng	Schaapkraal Farm	Nomoro ya mogala ga e gona
Senthareng ya setšhaba ya Gamawela	St George Farm	Nomoro ya mogala ga e gona

Letšatšikgwedi la mafelelo la go ronmela ditshwaotshwao ka ga Pego ya Tekodišišo ke la **25 Feberware 2019**. Go hwetša tshedimošo ka botlalo, hle ikgokaganye le:

Mohumagadi Aphiwe-Zona Dotwana
 Kantoro ya Ditherišano le Bagkathatema
 SRK Consulting, P. O. Box 55291, Northlands, 2116
Mogala: (011) 441 6105
Fekese: 086 503 6825
Emeile: adotwana@srk.co.za
